

**7.7.2011**

**Betreff: Nardo und die Uhrzeit**

Zur glieche Zyt wie mir d Woog wieder entdeckt hänn, hänn mir au dr Nardo grad no gseh in dr Kuchi.

Vorgschicht zem Nardo:

Är het jo ebbe 9 Kinder und schafft bi uns quasi als Bauarbeiter. Siet längerem goht är immer wieder an Träffe vo dr Gmeind, will sie ihn und anderi Buure, das isch är ebbe au no, dien schuele und im Aschluss bikunnt är denn sogenannti Subvention. Är het uns das vor langem verzellt und will mir das e gueti Sach finde, hänn mir im abote, as är dr Lohn für die Täg won är an die Träffe goht (won är jo denn ebbe nid kha schaffe) trotdäm usszahlt bikunnt. Är muess allerdings als Gegeleistig d Hälfti vo däne Täg, amene Sunntig cho kompensiere. Nüt im Läbe isch gratis :-). Är het iegwilligt. Am Afang het me vo 7 Träffe gredet, also 3 ½ Täg kompensiere.

Jo am Schluss isch är 13 Täg an Träffe gsi....bim letschte Lohn usszhale han ich denn usegfunde, as är für die Träffe au e Lohn bikunnt (mehr als är bi uns am Tag evrdient)...clever Boy han ich denn numme gmeint.

Item, uf jedefall mien sich unseri Arbeiter ietrage in e Lischte wenn sie afönn schaffe und ustrage wenn sie heime gönn. Suscht hänn mir nämlig gar kei Kontrolle wer do isch und wer nid.

Gestert wo mir dr Nardo also in dr Kuchi gseh hänn, het är im Aschluss sis Rucksäckli packt und het sich uf e Heimwäg gmacht. Är het sich "vorschriftsmässig" usstreit, nur leider het är fünfi anstatt viertel vor vieri gschriebe...Bschisse wird nid, es het grad zimligi Diskussione gäh und hütte - welch ein Wunder - isch dr Nardo no gar nid uftaucht.